

## Universitätsbibliothek Paderborn

### Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

Capvt III. De Angelorum bonorum merito ac beatitudine, & malorum  
peccato ac damnatione.

**urn:nbn:de:hbz:466:1-38954**

tonin. i. p. tit. 31. cap. 6. Certè Deus optimus maximus in his angelorum chorus magnificentiam ac excellentiam perfectionum suarum clare ostendit: amat siquidem in Seraphinis, ut charitas; contemplatur in Cherubinis, ut veritas; sedet in Thronis, ut æquitas; imperat in Dominationibus, ut maiestas; regit in Principatibus; tuerit in Virtutibus; corroborat in Potestatibus; reuelat in Archangelis; assistit in Angelis: vide S. Thomam citata quæst. 108. art. 6. vbi de his fusissimè agit.

## CAPVT III.

*De Angelorum bonorum merito ac beatitudine, & malorum peccato ac damnatione.*

## SECTIO I.

*Quodnam fuit Angelorum bonorum meritum, & malorum peccatum.*

**S**yponimus tanquam certum angelos non fuissent creatos in statu beatitudinis supernaturalis, quæ in clara Dei visione consistit; quia si in tali statu creari essent, in eo peccare non potuissent. Constat autem plures illorum peccasse.

Supponimus deinde omnes angelos fuissent conditos in gratia iuxta doctrinam S. Thomæ i. p. q. 62. a. 3. quæ est communis Theologorum; & constat ex Christi Domini verbis S. Ioan. 8. quibus dicit Diabolum non sletisse in veritate; nomine enim veritatis ibi sanctitas intel'igitur, prout sanct. Chrys. & alij SS. Patres hunc locum interpretantur, præfertim sanct. Cyr. Lib. 6. in sanct. Ioan. cap. 6. *In veritate, inquit, non sletit, quia prolapsus est à veritate.*

tate, nec manere voluit in sua originis sanctitate: & sanct. Iudas in Epist. sua canonica v. 6. dicit reprobos angelos peccatum non seruasse suum principatum; ille autem principatus nostra est, potest intelligi de principatu naturae, quia, ut infra dicitur, naturalia omnia integra in dæmonibus remanserunt ergo debet intelligi de principatu gratiae sanctificantis quam in creatione acceperunt, & à qua exciderunt. Acedit authoritas SS. Patrum, qui hoc asserunt, ut sancti Basil. in Ps. 32. ubi dicit angelos in prima constitutione substantie sua simul insusam habuisse sanctitatem; & sanct. Augustin. Lib. 12. de ciuit. c. 9. ubi ait angelos suis à Deo creati cum bona voluntate & casto amore (& paucis interiectis) erat Deus simul & cordens naturam Anglorum, & largiens gratiam.

Hoc præsupposito, dicendum i. quosdam angelos ex gratia accepta perseverasse, & per actus aliquos bonos ex gratia Dei simul cum liberi arbitrij cooperatione, beatitudinem æternam fuisse promeritos; alios autem ab illa gratia per suæ voluntatis prauitatem excidisse, sieque damnationem æternam incurrisse.

Constat enim in primis ex scriptura quosdam angelos esse beatos, sanct. Matth. 18. *Angeli eorum in celo semper videant faciem Patris mei:* quosdam vero esse damnatos sanct. Matth. 15. *Discedite a me maledicti in ignem eternum, qui preparatus est diabolo & angelis eius.*

Quod autem angeli beati suam beatitudinem per alios quos actus bonos ex auxilio gratiae fuerint promeriti, assertit sanct. Thom. suprà art. 4. & hæc est doctrina sancti Patrum, ut sanct. Aug. Lib. 4. de Gen. ad Litt. c. 24. ubi dicit *Angelos beatitudinem consecutos, quia omnia sua ad Deum gloriam retulerunt:* sanct. item Greg. hom. 7. in Ezech. ubi dicit, malis Angelis in superbiam prolapsis, bonos in humilitate perfisuisse.

Quod denique angeli reprobri peccauerint, & per peccatum à gratia exciderint, damnationemque incurserint, constat manifeste ex scriptura, Iob: 4. *In Angelis suis reperit prauitatem:* & I. sanct. Petri 2. *Deus peccantibus Angelis non pepercit, sed rudens inferni detrahens in tartarum tradidit cruciandos.*

Dicen-

Dicendum 2. peccatum reprobatorum angelorum fuisse  
angeli peccatum superbia. Probatur 1. ex scriptura: Is. 14. Detra-  
tus nota est, ad inferos superbia tua, &c. qui dicebas in corde tuo: in  
tra dicens teum descendam, &c. simili ero Atrissimo; quem Prophetæ  
inserunt. locum de diaboli peccato intelligit sanct. Aug. Lib. 3. de  
ficiens Doctrina Christi. cap. 37. sanct. Greg. hom. 34. in Euang.  
unt. Ac & sanct. Bernard. serm. 38. in Cantica. Ezech. 28. Eleuatum  
vt sancti est cor tuum in decoro tuo, &c. dixisti in corde tuo, Deus ego sum;  
tione sub quæ verba similiter intelliguntur de Lucifero à sanct. Pa-  
ct. Aug. tibus; sanct. Ambr. de Paradiso cap. 2. sanct. Hier. in il-  
luminis creatorum Ezech. locum, & alijs.

Probatur 2. ex sanct. Patribus. S. Chrys. hom. 3. de ver-  
gratiam bis II. Angelus per superbiam factus est diabolus: sanct. Ambr.  
geles Ep. 84. vbi dicit, in lapsu diaboli, & in homi is prevaricatio-  
nones esse initium peccati fuisse superbiam.

Ad pleniorum eorum, quæ suprà dicta sunt, intelligentiam, quæres 1. quinam Angeli, & quot peccauerint?  
, siueque Resp. imprimis non ex uno solo ordine sed ex plurimis fuisse eos, qui peccauerunt; Apost. siquidem ad Ephes. 6. tribuit Dæmonibus nomina quorundam ordinum, vt Principatum, & Potestatum, ac proinde probabile esse (vt docet sanct. Thom. q. 63. a. 9. ad 3.) ex quo-  
uis ordine Angelorum aliquos peccasse: sicut & verisimile est, ad quilibet ordinem Angelorum homines bea-  
tos assumendos esse, ad instaurandas ruinas eorum, qui  
per alii ceciderunt.

Præterea communis est sanct. Patrum opinio, supremum ex illis, qui peccauerunt, fuisse omnium Angelorum supremum, id est, primum ex ordine Seraphinorum.  
ad D. Ita sanct. Thom. suprà a. 7. & constat ex cap. 40. Iob. vbi  
ech. vbi vocatur principium viarum Dei, non quia fuerit ante alios  
nos in & primo creatus, cum omnes Angeli simul creati fuerint;  
per pec- sed quia (vt explicat sanct. Hieron. & sanct. Greg. in illum  
rremin- locum) primus fuit dignitate & excellentiâ, id etiam af-  
fis rep- ferit sanct. Aug. Lib. 11. de ciuit. cap. 15. & sanct. Basil. Lib.  
geliis no- 4. contra Eunom. & alij communiter.

Docet denique sanct. Thom. cit. art. 9. pauciores fuis-  
I 3 fe

se eos, qui peccauerunt; quām qui perfriterunt in bono; quod colligi posse videtur ex eo, quōd Apoc. 12. dicitur draco secum traxisse tertiam dunataxat stellarum partem.

Quæres 2. in quo posita fuerit Angelorum superbia? Resp. varias esse super hac re Theologorum sententias. Quidam enim existimant, Angelos in sua naturali perfectione inordinatam habuisse complacentiam, & in illa tanquam in fine suo ultimo conquieuisse. Alij dicunt, illos inordinatè appetiisse beatitudinem supernaturalem, tanquam proprijs viribus, & sine ylo diuinæ gratiæ auxilio consequendam. Afferunt alij, peccasse angelos in eo, quod accepta diuinis reuelatione de hypothatica ratione verbi diuini aliquando facienda cum natura humana, hanc vniōnem sibi ex superbia expetierint, & Christo Domino adeoque toti generi humano illam inuidierint. Alij denique omnium probabiliſſime docent, peccatum superbiae Angelorum in eo positum fuisse, quōd Deo subiecti esse noluerint, sed independentiam ab eius imperio appetierint, eoque modo similitudinem, cum Deo, qui ab omni subiectione & imperio est independentis, affectauerint. Ita sanct. Aug. Lib. 11. de ciuit. cap. 13. Vbi de Diabolo dicit, quōd *recusauit suo subditus esse creatori, & superbia sua vetus autoritate priuata elatum est;* & sanct. Greg. Lib. 34. mor. cap. 13. *Ei, à quo conditus fuerat, subiisse despexit: ita enim Deus super omnia est, ut ipse sub nullo sit; Leuiatan vero iste eius celstudinis culmen aspiciens, ius peruersæ libertatis appetiit.*

Quæres 3. quanto tempore Angeli fuerint in via, seu quanta fuerit duratio temporis illius, in quo potuerunt mereri aut demereri? Resp. in primis dubitandum non esse, quin aliqua mora intercesserit inter creationem Angelorum & ipsorum beatitudinem vel damnationem, ita ut mora ista potuerit coexistere alicui parti nostri temporis: quod colligi potest ex eo, quod angelii boni non potuerint simul esse beati, & simul mereri, cū actiones meritariae secundum legem communem simul cū visione beatifica stare non possint; similiter Angeli reprobri prius peccauerint, quām fuerint damnati. — Con-

Constat præterea inter Theologos, moram illam & durationem viæ Angelorum fuisse breuissimam; etenim dicitur S. Ioan. c. 8. Diabolus *fuisse homicidam ab initio, & in veritate non stetisse*: Vnde sequitur, illum statim post creationem peccauisse, & re verâ iam peccauerat, antequam accederet ad primos parentes, ut eos in peccatum pertraheret. Accedit etiam, quod Angeli propter summam intelligentiæ sagacitatem & perfectionem omnia celerimè exequantur. Quare dicendum videtur, saltem tria instantia temporis in illa duratione viæ Angelorum esse distinguenda; primum, in quo omnes tam electi quam reprobati in gratia creati sunt; secundum, in quo boni bene operati sunt, & sic promeruerunt beatitudinem; mali è contrâ peccauerunt, & sic damnationis reatum incurreverunt; tertium denique, in quo illi præmium virtutis beatitudinem acceperunt, isti è contrario in peccati vindictam, damnationis pœnâ fuerunt muletati.

## SECTIO II.

*Quisnam sit status Angelorum in gloria.*

Tria sunt, quæ S. Thomas tribus postremis articulis questionis 62. querit circa beatitudinem Angelorum, quæ hîc breuiter explicanda sunt.

Primum est, vtrum in Angelis beatis remaneat cognitio ac volitio naturalis? & respondet S. Doctor affirmatiuè; cuius ratio est, quia beatitudo naturam non destruit, sed perficit, ergo in beatis Angelis non tollit operationes, quæ illis ratione naturæ suæ conueniunt.

Secundum est, an Angeli beati peccare possint? & responderet S. Doctor negatiuè; constat enim ex sacris litteris beatitudinem electorum sive Angelorum sive hominum aeternam fore; at aeterna non esset, si per peccatum ab illa excidi posset: vnde S. Fulgent. lib. de fide ad Petrum c. 23. sic loquitur: *Firmisime tene, & nullatenus dubites, omnem creaturam naturaliter mutabilem à Deo incommutabili-*

I 4.

fa-

fallitam esse, nec tamen posse quemlibet sanctorum Angelorum in  
deterius mutari; quia sic acceperunt eternam beatitudinem, qua  
Deo stabiliter perfruantur, ut ea carere non possint.

Accedit ratio, quā vtitur S. Doctor, quia scilicet An-  
geli beati in Deo clare viso vident omnem rationem  
boni diligibilis, ergo ab illo nullatenus auerti potest e-  
orum voluntas; cum illud bonum vtpote infinitum o-  
mnem illorum capacitem repleteat.

Tertium est, an Angeli beati possint in beatitudine  
proficere? Respondet S. Doctor cum distinctione; si e-  
nīm sermo sit de beatitudine essentiali, quæ consitit in  
clara Dei visione, certum est, Angelos nullum illius in-  
crementum vñquam accepturos esse aut promerituros;  
cum illa sit terminus & finis omnium meritorum; &  
præterea eodem modo se habeat beatitudo in Angelis,  
atque in hominibus, iuxta quod dicitur Apoc. 21. e-  
amdem esse hominis & angelī menturam, hoc est rati-  
onem meriti: atqui homines beati secundum legem or-  
dinariam in beatitudine proficere non possunt, iuxta il-  
lud Eccles. 11. Si ceciderit lignum ad Austrum aut ad Aqui-  
lonem, in quoconq; loco occidens, ibi erit: Quod sancti Patres  
interpretantur de immutabilitate quadam hominis in eo  
termino fine beatitudinis fine damnationis, ad quem  
post hanc vitam pervenerit: ergo idem de Angelis be-  
atis dicendum est.

Quod si de beatitudine accidentalī quæstio intelliga-  
tur. Respondet S. Doctor, angelos beatos posse in illa  
proficere; tūna quia possunt nouā subinde gaudia expe-  
rii iuxta illud S. Luc. 15. Gaudium erit coram Angelis Dei  
super uno peccatore parientiam agente; tam quia possunt  
nouas reuelationes, & mentis illustrationes diuinitus ac-  
cipere, vt docet S. Dion. cap. 7. de cœlesti Hier. & S.  
Aug. lib. 1. de Gen. ad litt. c. 17. hæ autem nouæ reuelationes,  
sicut & illa gaudia ad beatitudinis accidentalis  
augmentum conferre possunt.

Est autem obseruandum hic, quod, quamvis angelii  
beati gloriae accidentalis incrementum aliquod accipere  
possunt,

possint, non possunt tamen illud de novo mereri, vt docet S. Thom. art. 9. ad 3. quia secundum communem Theologorum sententiam in termino viae nullus amplius superest merito locus.

## SECTIO III.

*Qualia sint officia Angelorum beatorum erga homines.*

**D**icendum est. Angelos interdum ad homines diuinatus mitti, velut diuinæ voluntatis internuncios, ac diuinorum consiliorum executores & ministros. Id manifestè constat ex scriptura. Exod. 23. *Ecce ego mittam Angelum meum, qui precedat te : S. Luc. 1. Missus est Angelus Gabriel à Deo in ciuitatem Galileæ ad virginem, &c.* Act. 12. *Nunc scio verè, quia misit Dominus Angelum suum, & eripuit me de manu Herodis.*

An autem omnes omnino angeli mittantur; & si non omnes, quinam ex illis, controuersum est apud Theologos. S. Thom. quæst. 112. a. 4. existimat, Dominatones cæterosque superiores beatorum spirituum ordines nunquam mitti, sed tantum reliquos ipsi inferiores. At Magister sententiarum in 2. dist. 10. dicit, ordinariè quidem quatuor illos ordines superiores mitti non solere, sed tantum inferiores; extraordinariè tamen etiam superiores illos mitti: & sanct. Greg. hom. 34. in Euang. videtur asserere sanct. Gabrielem fuisse supremum ordinis Seraphinorum, quod etiam confirmari potest ex eo, quod sanct. Paulus Hebr. 1. loquens de omnibus illis beatis spiritibus dicit: *Nonne omnes sunt administratorij spiritus, in ministerium missi propter eos, qui hereditatem capient salutis?* Vbi obseruandum est Apostolum loqui de omnibus beatis spiritibus sine illa exceptione, cum ibi de illis agat, prout Christo Domino sunt inferiores, quod ad omnes spectare manifestum est. Et Is. 6. dicit Propheta, ad se **vnum de Seraphim volâisse.** Vtraque sententia probabilis

est; secunda tamen probabilius videtur, quia magis ad sensum scripturæ videtur accedere.

Dicendum 2. Angelos mitti, & à Deo destinari ad custodiam hominum non tantum in genere, sed & in particulari, ita ut cuique homini suus adsit Angelus tutelaris.

Huic veritati, quæ de fide est, oppositus est error Calvini, qui super illa verba Ps. 90. *Angelus tuus mandauit de te*, ait, custodiam illam Angelorum esse falsum commentum. Verum refellitur hic error, & nostræ assertiōnis veritas probatur 1. ex scriptura. Gen. 48. *Angelus, qui eruit me de cunctis malis*: Iudith. 13. *Custodiu me Angelus eius, & hinc euntem, & ibi commorantem, & inde huc reuertentem*: & S. Matth. 18. *Angeli eorum in cœlis semper vident faciem Patri mei, qui in cœlo est*.

Probatur 2. ex S. Bas. Lib. 3. contra Eunomium initio. *Quod ad sit, inquit, singulis credentibus Angelus tanquam pædagogus, & pastor viam dirigen, nemo contradicet, qui memor fuerit verborum Domini, ubi dicit, ne contemnatis unum de pulchris iis, quia Angelii eorum semper vident faciem Patri mei;* & Ps. 33. *Immittat Angelus Domini in circuitu timentium eum*: & S. Hier. in cap. 18. S. Matth. *Magna est dignitas animalium, ut unaqueq; ob ortu nativitatis habeat in custodiā suā Angelum delegatum*.

Probatur 3. ex communī consensu totius Ecclesiæ, quæ semper ita esse sensit, ut colligitur ex Act. 12. Vbi cūn S. Petrus è carcere diuina virtute liberatus, pulsaret ianuam domus, in qua fideles congregati erant, cūm miraculum factum ignorarent, vñanimi consensu omnes dixerunt: *Angelus eius est*. Idem etiam colligi potest ex festo sancti Angeli custodis, quod à summo Pontifice institutum & approbatum, summo omnium consensu vbiique receptum est.

Porro sanct. Thom. a. s. docet Angelum custodem uniuersique homini adesse, & erga illum suo munere fungi, ab eius ex utero matris nativitate, & non ante, vsque ad eiusdem mortem & non post: cò quòd ante nativitatem infans

infans censematur esse quasi pars quædam matris, & velut  
fructus adhuc in arbore pendens, vnde tunc per Ange-  
lum custodem ipsius matris custodiri censematur: post  
mortem verò non amplius egeat homo angelica custo-  
dia, cum sit in termino viæ, nec ullus superfit merito vel  
demerito locus.

Est autem obseruandum id, quod docet S. Dion. de cœ-  
lesti Hier. cap. 9. non solum hominibus singulis, sed præ-  
terea populis, regnis, prouincijs, ciuitatibus suos pecu-  
liares Angelos seu Archangelos esse à Deo præpositos.  
Quod etiam constat ex scriptura; Dan. 10. Vbi dicitur,  
Principem regni Persarum restitisse Gabrieli à Deo Iudaici  
populi liberationem postulanti; ille enim Persarum prin-  
ceps non alius fuit quam bonus Angelus huius populi cu-  
stos ac tutelaris, ut exponit S. Hieron. in eum locum & S.  
Greg. Lib. 17. mor. c. 8. Et apud eundem Danielem c. 12.  
S. Michaël dicitur stare pro filiis Israël; quia nempe olim  
fuit custos synagogæ, sicut nunc Ecclesiæ teste S. Greg. lo-  
co citato: & sanct. Epiph. hær. 51. Angelos illos quatuor,  
de quibus mentio fit Apoc. cap. 9. totidem populorum  
præsides & custodes interpretatur, scilicet Assyriorum,  
Babyloniorum, Medorum atque Persarum.

Præterea singulis etiam rerum generibus atque specie-  
bus præfici Angelos docet S. Aug. Lib. 83. quæst. cap. 79.  
vnde Apoc. 14. unus Angelus dicitur habere potestatem  
supra ignem, & cap. 16. alius vocatur *Angelus aquarum*:  
neq; id mirari debemus; si enim Deus ipse rerum omni-  
um curam habere dignatur, & in scripturis dicitur escam-  
dere pullis coruorum, & feenum iumentis, ac vestire li-  
lia agri, quidni harum etiam rerum custodiā Angelis  
commiserit?

Vnde non sine ratione quidam Doctores existimant  
exponi posse scripturas (dum alloquuntur creaturas rati-  
onis expertes, ignem, aquam, fontes, volucres, bestias,  
easque ad laudandum, & benedicendum Deum inuitant)  
ita, vt verba illa referantur ad Angelos custodes, quos  
rogamus, vt has omnes creaturas sibi commissas ad Dei  
gloriam dirigant.      I 6      Mo-

Monet etiam S. Th. a. 4. ad 1. quod, quamvis cuilibet hominum angelus aliquis ad custodiā deputetur, Christum Dominum tamen nullum habuisse Angelum custodem, eo, quod non indigeret tali custodiā, cū esset impeccabilis, & ipse potius angelorum custos dici deberet.

Innumerā verō sunt beatorū illorū spirituum erga animas custodiā suā concreditas officia: arcent dæmones, Tob. 12. increpant peccatores, Iudic. 2. docent & instruunt, Dan. 9. consolantur in afflictionib; Tob. 5. adūnt animum & subministrant vires, 3. Reg. 19. offerunt preces; Apoc. 8. denique animas iustorum ē corpore migrantes ad beatorū sedem deferunt, Luc. 16.

Cum igitur tot, & tanta sint angelorum beatorum in homines beneficia, sic vicissim hominum erga illos officia aliqua merito requiruntur, quæ paucis verbis complectitur S. Bern. ser. 12. in Ps. 90. vbi explicans hæc verba Angelus suis Deus mandauit de te; Quoniam, inquit, debet tibi hoc verbum inferre reverentiam, afferre devotionem, conferre fiduciam. Reverentiam pro presentia, devotionem pro benevolentia, fiduciam pro custodia: Verum de his fuisū tract. seq. cū de sanctorum veneratione & invocatione agemus.

## SECTIO IV.

### *Qualis sit status damnationis reproborum Angelorum.*

**C**ertum est i. angelos prævaricatores statim post peccatum suum ē celo esse deturbatos, ut dicitur Apoc. 12. Neque locus inuenitus est eorum amplius in celo; & in infernum detrusos, ut constat ex epist. 2. S. Petri c. 2. Deus peccantibus angelis non pepercit, sed iudentibus infernū detractos in tartarum tradidit ericiendos: Quod quamvis ita sit, nihilominus dæmones non semper in inferno detineri, sed aliquando Dei permisso inter homines super terram

ibet  
Chri-  
sto-  
im-  
peret.  
erga  
mo-  
cin-  
ad-  
runt  
mi-  
n in  
of-  
om-  
erba  
lebet  
con-  
be-  
s in  
one  
ec-  
oc-  
in  
2-  
rn  
is  
de-  
er  
m

terram vagari constat ex varijs scriptura locis, vt S. Luc. 8. vbi plurimi dæmones a Christo ex unius hominis corpore eieclti, rogauerunt eum, ne illis imperaret, vt in abyssum irent, sed in porcos ingredi permitteret: vnde S. Thom. q. 64. a. 4. recte docet, dupl icem locum pœnam dæmonibus à Deo assignatum esse; vnum quidem ratione culpe suæ, & hic est infernus; alium verò ratione exercitationis humanæ, & hic est aér caliginosus terræ vicinus, in quo permisum est eis vagari, vt tentare, sicutque exerceere possint homines: cum autem usque ad extreum iudicij diem exercitatio illa durare debeat, ideo ad illud usque tempus (vt ait S. Doctor) & angeli mali nobiscum hic versantur, vt impugnant, & boni, vt subsidio sint; post illum verò diem omnes mali tam angelii, quam homines in inferno per aternitatem detinebuntur, boni verò in cœlo manebunt.

Certum est 2. vt docet S. Thom. art. 3. dæmones esse doloris capaces, & susceptibles, non quidem illius doloris, qui est passio appetitus sensitivi, & percipitur organo corporeo; sed doloris pure spiritualis, qui (vt explicat idem S. Doctor) est quidam simplex actus voluntatis, quo refugit, & auersatur aliquid tanquam sibi contrarium, & nocuum, ut mox explicabitur.

Cum hæc igitur certa sint, difficultas est, an dæmones ab igne inferni torqueantur. Pro cuius resolutione

Dicendum est lignem inferni, qui corporeus est ac materialis, à diuina iustitia tanquam instrumentum assumi ad puniendo dæmones, hosq; proinde illo igne torqueri.

Ac in primis, quod ignis ille corporeus sit, ac materialis in dubium reuocare non licet, eum & scripturæ, & Patres hoc expressè asserant; vnde S. Greg. Papa lib. 4. dialog. cap. 29. hoc tanquam certum proponit, & de quo nulli ambigere liceat; & S. Aug. lib. 21. de Ciuit. a. 10. hoc tanquam certum affirmat; & huic veritati communiter subscribunt sancti Patres.

Quod autem ab illo igne dæmones torqueantur, constat ex scriptura. S. Matth. 25. vbi Christus Dominus dicit

cit ignem inferni paratum esse diabolo, & angelis eius; & Apoc. 20. dicitur diabolus in stagnum ignis mislus, vbi cum bestia & pseudo propheta in aeternum crucianus est: constat etiam ex sanct. Greg. & sanct. Aug. locis supra citatis, in quibus asserunt, non tantum corpora reproborum hominum, sed & illorum animas ab inferorum igne torqueri; eadem autem est ratio demonum.

Quare, quomodo ille ignis, cum sit corporeus, in demones, qui puri spiritus sunt, agere possit, illosque torquere? Variæ sunt super hac re Theologorum sententiae: alij siquidem existimant, demones ab igne torqueri, in quantum ab illo detinentur, illique diuina virtute sunt alligati; vnde à S. Iude in epist. canonica dicuntur demones vinculis aeternis sub caligine reseruari. Alij dicunt, eos ab igne torqueri non tantum, quia eo detinentur, & alligantur, sed præterea ex eo, quod illum tanquam sibi maxime disconueniens, & nocuum apprehendunt, dum se ab illo in aeternum detinendos continuo cogitant, nec ab illa cogitatione desistere possunt. Alij arbitrantur ex illa detentione in ijs (Deo ita volente) oriri tristitiam ac molestiam ei similem, quam hominis animus ex actuali fui corporis combustionē experiret. Alij docent, ipsum ignem per qualitatem aliquam supernaturalem ipsi à Deo inditam realiter agere in demones, ipsisque dolorem & cruciarum incutere. Verum quamvis hæc omnia probabiliter dici possint, certissima tamen omnium videtur esse sententia illa, quæ nihil certi hac in re definiri posse asserit; vnde S. Aug. loco supra citato post multa super hac questione subtilissime disputata tandem sapientissime concludit, spiritus illos incorporeos penas corporalis ignis affici, veris quidem sed tamen miris, & ineffabilibus modis.

Dicendum 2. penas demonum, sicut & damnatorum hominum fore aeternas. Huic veritati, qua de fide est, oppositus olim fuit error Origenis, qui (vt refert Nicephorus Lib. 17. hist. Ecc. c. 27. & 28.) existimat hominem damnatorum, ipsorumque etiam demonum tormenta finem aliquando esse habitura.

R  
batu  
refe  
bos  
num  
bis,  
us p  
lens  
citt  
pist  
gine  
in fl  
P  
i. d  
bos  
esse  
P  
de r  
coru  
Luc  
ignis  
plic  
C  
inf  
tanc  
quia  
Aug  
hoc  
qui  
na P  
pec  
ret  
priu  
hon  
stat  
(qu

Refellitur hic error, & nostræ assertionis veritas probatur 1. ex scriptura S. Matth. c. 25. vbi Christus Dominus refert hæc verba, quæ in extremo iudicio aduersus reprobos prolaturus est; *Discedite à me maledicti in ignem aeternum, qui paratus est Diabolo, & angelis eius;* ex quibus verbis, cum constet, ignem illum esse aeternum, sequitur, illius poenam fore quoque aeternam iuxta id, quod subiungit: *libent hi in supplicium aeternum;* 2. ad Theff. 1. de reprobis dicitur quod *Poenas dabunt in interitu aeternis;* & S. Iud. in epist. can. dicit angelos reprobos, *vinealis aeternis sub caligine reservari;* & in poc. 20. dicitur, quod *Diabolus missus est in flagrum ignis & sulphuris, ubi cruebitur in seculo seculorum.*

Probatur 2. ex Conc. Lateran. sub Innocentio III. cap. 1. de fide cath. in quo expressè definitum est reprobos & malos cum diabolo poenam perpetuam subituros esse.

Probatur 3. ex S. Aug. lib. de fide & operibus a. 15. vbi de reproborum damnatione loquens, *Erit, inquit, aeternus eorum & misericordia, sicut & ignis aeternus;* & S. Ambr. lib. 7. in Luc. vbi hæc verba ls. 66. (*Vermis eorum non morietur, & ignis eorum non extinguetur.*) de aeternis damnatorum supplicijs exponit.

Quæres, quâ ratione poena aeterna dæmonibus iustè infligatur, cum illorum peccatum fuerit quasi momentaneum? Resp. id iustissime fieri tam respectu dæmonum, quam etiam hominum reproborum; tum quia (ut ait S. Aug. Lib. 21. de Ciuit. c. 12. *Ille dignus est aeterno malo, qui hoc in se perennat bonum, quod esse posset aeternum;* tum etiam quia (ut dicit S. Thom. in Supp. quæst. 99. art. 1.) poena peccati taxatur secundum dignitatem eius, in quem peccatur; unde maiori poena dignus esset, qui persecutus alap principem ac regem, quam si cuicunque alteri priuato hanc iniuriam irrogaret: atqui siue diabolus, siue homo mortaliter peccans, contra Deum infinitæ maiestatis, & excellentiæ peccat, eiusque honori summam (quantum in ipso est) infert iniuriam, dum in creatura per peccatum finem ultimum constituit: ergo infinitâ poenâ.

pœnâ dignus est. Cùm autem creatura, quæ in se finita est, pœnam secundum intensionem acerbatis infinitæ ferre non possit, pœna secundum durationem temporis infinita illi subeunda est, quæ proinde iustè à Deo illis infligitur. Tum denique quia (ut ait S. Greg. lib. 4. Dial. c. 44.) ad magnam iudicantem iustitiam pertinet, ut nunquam careant suppicio, qui in hac vita nunquam voluerunt carere peccato; qui enim in peccatum mortale propriâ voluntate labitur, et in eum statim iniustitiae redit, ex quo proprijs viribus erit nusquam in aeternum poterit; unde ex hoc ipso, quod vult peccare, vult consequenter in peccato per totam aeternitatem manere; quare iustè à Deo peccator non solum ob actionem peccati, sed præsertim ob voluntatem in peccato permanendi, quæ (sicut dictum est) in aeternum protenditur, pœna interminabili & aeternâ plectitur.

## SECTIO V.

*Quæ sit dæmonum conditio quoad intellectum, & voluntatem.*

**Q**uestionis propositæ sensus est, an intellectus dæmonum ita sit obceatus, ut nullam amplius habeat veritatis cognitionem; an item eorum voluntas omnino sit obstinata in malo, & quæ sit illius obstinationis causa.

Quod spectat ad intellectum; obsernandum est duplicum esse cognitionem veritatis, unam speculativam, alteram practicam; & utramque rursus esse, vel naturalem, vel supernaturalem. Hac obseruatione supposita

Dicendum 1. cognitionem speculativam naturalem integrum in dæmonibus post peccatum mansisse, neque illo modo fuisse diminutam. Ita S. Thom. 1. p. q. 64. a. 1. cuius ratio est, quia in dæmonibus post lapsum dona omnia naturalia integra remanserunt, ut docet S. Dion. de diu. nomin. cap. 4. & S. Aug. lib. 2. de Gen. ad litt. c. 17.

Dicen-

Dicendum 2. cognitionem speculatiuam supernaturalem non esse in dæmonibus totaliter ablatam, sed valde diminutam, vt docet S. Thom. supra; quia scilicet de rebus supernaturalibus aliqua iis cognitio interdum conceditur vel medianibus Angelis, vel aliquibus alijs modis; quamquam propriè loquendo hac cognitio in eis supernaturalis nonnisi materialiter dici debeat, vt rectè obseruant aliqui Theologi, in quantum scilicet est de aliquibus rebus supernaturalibus, non vero, quod procedat ab ullo habitu supernaturali fidei, quo propter peccatum sunt spoliati, neque ex ullo motiuo supernaturali, cuius in statu damnationis sunt incapaces.

Dicendum 3. cognitionem practicam de rebus agendis circa res morales, siue sit ordinis naturalis siue supernaturalis, fuisse dæmonibus ratione peccati detractam. De utraque constat in primis ex scriptura, in cuius varijs locis dæmon vocatur homicida, mendax; vt S. Ioan. 8. *Cum loquitur mendacium, ex proprio loquitur.* Item alijs in locis vocantur dæmones spirituales nequitiae, Principes & Potestates tenebrarum: & Ezech. 28. de primo angelo dicitur: *ereditisti sapientiam Ptuam in decore tuo.* Deinde ex S. Aug. in Enchir. ad Laurentium cap. 24. & 25. vbi dicit ignorantiam rerum agendarum, & concupiscentiam noctiviarum esse mala, hominibus, & dæmonibus communia. Demum hæc ratione, quia veritas & restitudo iudicij practici defunxit ex recta ordinatione affectus & voluntatis erga bonum morale, vt docet in Ethicis Philosopher: sed dæmones nullum habent, nec habere possunt affectum erga ullum morale bonum; ergo nec etiam iudicium practicum verum & rectum.

Quod ad voluntatem attinet, dicendum est voluntatem dæmonum ita esse in malo obstinatam, vt nunquam possit flecti, & conuersti in bonum. Ita sanct. Thom. art. 2. & est de fide contra Origenem, qui ideo censemebat, tormenta dæmonum fidem aliquando esse habitura, quia (vt refert S. Hieron. epist. 61. aduersus Joannem Hiero-

so-

solymitanum) existimabat, ipsos dæmones pœnitentiam aliquando esse asturos.

Refellitur hic error, & veritas nostræ fidei probatur ex eo, quod (vt docet S. Cypr. in fine libri contra Demetr.) Quando istinc excessum fuerit, nullus iam pœnitentia locus, nullus satisfactionis effectus; quod & Scriptura figuratè declarat Ecc. 11. In quocunque loco ceciderit (lignum) ibi erit; quod autem homini mors, hoc dæmoni casus fuit: & Ecc. 9. dicitur, quod nec ratio, nec sapientia, nec scientiae erunt apud inferos: & Iob 10. quod ibi nullus ordo, sed sempiternus horror inhabitat; vnde S. Fulg. Lib. de fide ad Petrum cap. 3. dicit in igne inferni omnes Angeli prævaricatores, nec malâ voluntate posse carere, nec pœna (& infra) sic bonam amississe voluntatem, ut amissam resumere nequeant: & S. Prosper Lib. 3. de vita contemp. cap. 12. recte obseruat, damnatos mitti in tenebras ligatis manibus, & pedibus (vt dicitur S. Matth. 22.) eò quod deinceps non possint bona illa opera exercere.

Ratio autem, cur nullus sit dæmonibus & damnatis pœnitentia locus, est, quia nullus est gratia; sicut enim hominibus in peccato mortali decadentibus nullam amplius gratiam dare decreuit Deus, quâ voluntates eorum ad pœnitentiam excitentur; sic nec angelis post lapsum: sine gratia autem nec hominis, nec angelii voluntas ad veram pœnitentiam conuerti potest; vt supponimus ex dicendis in tractatu de gratia.

## SECTIO VI.

### Quonodo à dæmonibus homines impugnantur.

**C**ertum est ex fide, dæmones ex Dei permisso posse homines impugnare, eosque ad malum incitare, idque reipsa aliquando, imo sapissime facere, vt constat ex varijs scripturæ locis, vt Gen. 3. vbi refertur, primos parentes ad peccatum fuisse à dæmone inductos, & & epist. 1. S. Petri cap. 5. Aduersariis uester diabolus tan-

quam

quam leo rugiens circuit, quarens quem deuoret: & Ephes. 6.  
Non est nobis colluctatio aduersus carnem & sanguinem, sed  
aduersus principes, & potestates, aduersus mundi rectores tenebra-  
rum harum, contra spiritualia nequitia, in cælestibus, &c.

Faciunt autem hoc dæmones, Deo non quidem volen-  
te, sed tamen permittente, illorumque peruersos cona-  
tus in electorum suorum bonum ordinante; vnde S.  
Thom. quæst. 114. a. 1. dicit, impugnationem hominum  
à dæmonibus ex ipsorum dæmonum malitia procedere;  
ordinem verò impugnationis esse à Deo, qui nouit ma-  
lis bene vt, eaque ad bonum ordinare.

Sicut autem Deus homines à dæmonibus impugnari  
permittit, sic & ipsis cùm impugnantur, gratia suæ au-  
xilia subministrat, quibus si velint, qualibet tentatione  
superiores possint euadere; vnde S. Paul. 1. Cor. 10. dicit.  
*Fidelis Deus est, qui non patietur vos tentari supra id, quod po-  
testis; sed facit etiam cum temptatione prouentum, ut possitis su-  
ffinere.*: & 2. Cor. 12. *Datus est mihi stimulus carnis meæ an-  
gelus Satanae, qui me colaphizet. Propter quod ter Dominum ro-  
gavi, ut discederet à me; & dixit mihi; sufficit tibi gratia mea.*

Quæres, quomodo fiat illa hominis impugnatio per dæ-  
monem? Resp. duobus præsertim modis fieri posse, dæmo-  
ne scilicet aliquid vel intra hominem, vel extra ipsum ope-  
rante. Primo enim modo tentare potest, vel commouen-  
do spiritus vitales, in quibus species sensibiles continen-  
tur, & eas potentij cognoscitiuis obijcendo, sicque  
prauam aliquam imaginationem efformando; vel com-  
mouendo humores, & spiritus in organo corporeo appe-  
titus sensitui, sicque inde recte voluntatem ad malum a-  
liquod excitando. Secundo autem modo (hoc est aliquid  
extra hominem operando) ipsum tentare potest, cùm a-  
liquid verum, vel apparens sensibus externis obijcit, vñ-  
de occasio alicuius peccati perpetrandi ipsi homini sug-  
geratur. Ita S. Thom. quæst. III. a. 1. 2. 3. & 4. vbi fusè ex-  
plicat, quâ ratione tam boni, quam mali angeli  
interius vel exterius in homines  
agere possint.

CA-